



ЎЗБЕКИСТОН RESPUBLIKASI
QASHQADARYO VILOYATI HOKIMINING
QARORI

180100, Qarshi shahri, Mustaqillik ko'chasi, 1-uy. Faks: (+99875)221-12-88, qashqadaryo@exat.uz

2021 йил 17 июль

355-4-0-Q/21

Қашқадарё вилояти ҳокимлиги

Ўзбекистон Республикаси Президентининг 2021 йил 6 июлдаги “Коррупцияга қарши муросасиз муносабатда бўлиш муҳитини яратиш, давлат ва жамият бошқарувида коррупциявий омилларни кескин камайтириш ва бунда жамоатчилик иштирокини кенгайтириш чоратadbирлар тўғрисида” ПФ-6257-сон Фармони ижроси ҳақида

Ўзбекистон Республикаси Президентининг 2021 йил 6 июлдаги “Коррупцияга қарши муросасиз муносабатда бўлиш муҳитини яратиш, давлат ва жамият бошқарувида коррупциявий омилларни кескин камайтириш ва бунда жамоатчилик иштирокини кенгайтириш чоратadbирлар тўғрисида” ПФ-6257-сон Фармони ижросини таъминлаш мақсадида, Ўзбекистон Республикасининг “Маҳаллий давлат ҳокимияти тўғрисида”ги Қонуни 6 ва 25-моддаларига асосан,

Қ А Р О Р Қ И Л А М А Н :

1. Ўзбекистон Республикаси Президентининг 2021 йил 6 июлдаги “Коррупцияга қарши муросасиз муносабатда бўлиш муҳитини яратиш, давлат ва жамият бошқарувида коррупциявий омилларни кескин камайтириш ва бунда жамоатчилик иштирокини кенгайтириш чоратadbирлар тўғрисида” ПФ-6257-сон Фармони маълумот ва ижро учун қабул қилинсин.

2. Ўзбекистон Республикаси Президентининг мазкур Фармони билан:

коррупция ҳолатларининг ҳар қандай кўринишларига нисбатан **муросасиз муносабатда бўлиш** ва унга **қарши аёвсиз курашиш** барча даражадаги давлат органлари **раҳбар ва ходимларининг энг устувор вазифаси** этиб белгиланганлиги;

2022 йил 1 январдан бошлаб, давлат хизматчилари, давлат улуши 50 фоиздан юқори бўлган ташкилотлар, давлат корхоналари ва муассасалари раҳбарлари ва ўринбосарлари, уларнинг турмуш ўртоғи ва вояга етмаган фарзандларининг даромадлари ва мол-мулкани **мажбурий декларация қилиш тизими жорий этилаётганлиги**;

давлат хизматчиси томонидан декларацияни тақдим этишдан бош тортиш ва қасддан нотўғри маълумотларни киритиш уни **давлат хизматидан четлаштиришга** ва қонунда белгиланган **жавобгарликка тортишга асос бўлиши** ҳамда **2022 йил 1 январдан бошлаб** давлат хизматчиларига республика ҳудудидан ташқарида ҳисобрақамлар очиш ва эгалик қилиш, нақд пул маблағларини сақлаш, кўчмас ва бошқа мол-мулкка эга бўлиш тақиқланиши (хорижда ишлаётган давлат хизматчилари ва давлат хизматига киришдан олдин олинган мол-мулк бундан мустасно) каби тартиб ўрнатилиши белгиланганлиги;

коррупцияга қарши курашиш бўйича 2021-2022 йилларга мўлжалланган давлат дастури 1-иловага мувофиқ тасдиқланганлиги;

Ўзбекистон Республикаси Президентининг айрим ҳужжатларига 2 - иловага мувофиқ ўзгартириш ва қўшимчалар киритилганлиги;

Ўзбекистон Республикаси Президентининг айрим ҳужжатлари 3 - иловага мувофиқ ўз кучини йўқотган деб ҳисобланганлиги маълумот учун қабул қилинсин ва тегишлилиги бўйича ижрога қаратилсин.

3. Халқ депутатлари вилоят ҳамда шаҳар ва туманлар Кенгашлари маҳаллий бюджет маблағларидан фойдаланишдаги коррупциявий хавф-хатарларни баргараф қилиш мақсадида, маҳаллий бюджетларнинг қўшимча манбалари ҳисобидан ажратилган маблағлардан фойдаланиши устидан доимий назорат ўрнатсин.

4. Мазкур қарорнинг бажарилишини назорат қилиш вилоят ҳокимининг биринчи ўринбосари Н.Эркаев зиммасига юклансин.

Қашқадарё вилояти ҳокими



Z.Mirzayev